

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia Irargarkiak

KULTURA ETA KIROL SAILA

160/2021 Foru Agindua, ekainaren 3koa. Arabako kirol-klub eta -elkarteentzako diru-laguntzen deialdi publikoa, emakumeen kirol federatua sustatzeko

Kultura eta Kirol sailak 2021. urtean diruz lagunduko ditu Arabako kirol federazio batera atxikita dauden kirol klub eta elkarteak emakumeen kirola babesteko.

Arabako Lurralde Historikoko 2021eko aurrekontua betearazteari buruzko urtarrilaren 26ko 1/2021 Foru Arauak 70.2.01.77.01.481.00.09.6 "Emakumeen kirolari laguntza" 70-0.088 lerroa izeneko aurrekontu-saila du, 30.000,00 euro dituen esleiturik.

Arabako Foru Aldundiak, Foru Gobernu Kontseiluaren azaroaren 12ko 50/2019 Foru Dekretuaren bidez (2019ko azaroaren 20ko ALHAO, 134. zk.) eta haren ondorengo aldaketen bidez, oinarri orokor arautzaileak onartu zituen, Kultura eta Kirol Sailaren eskumenen esparruan norgehiagoka-araubidean ematen diren dirulaguntzei aplikatzeko.

Kirol zerbitzuko buruak egindako txostena ikusita.

Horren ondorioz, dagozkidan eskumenez baliatuz, hauxe:

XEDATZEN DUT

Lehenengoa. Onartzea Arabako Arabako kirol federazio batera atxikita dauden kirol klub eta elkarteentzako dirulaguntzen deialdia, 2021. emakumeen kirola babesteko. Horren oinarriak eranskin gisa erantsi dira.

Bigarrena. Deialdi honek hogeita hamar mila euroko (30.000,00 euro) gehieneko zuzkidura izango du, ondorengoetan adierazitakoaren arabera arautuko da: Foru Gobernu Kontseiluaren azaroaren 12ko 50/2019 Foru Dekretua (2019ko azaroaren 20ko ALHAO, 134. zk.), eta hura aldatu zuen martxoaren 2ko 7/2021 Foru Dekretuan aurreikusitakoa, Kultura eta Kirol sailaren eskumenen esparruan norgehiagoka-araubidean ematen diren dirulaguntzei aplikatu beharreko oinarri arautzaile orokorrak; Araba Lurraldeko dirulaguntzak arautzen dituen urriaren 19ko 11/2016 Foru Araua; eta agindu honen eranskinean jasotzen diren oinarri espezifikoak.

Hirugarrena. Gastu hori 70.2.01.77.01.481.00.09.6 "Emakumeen kirolari laguntza" 70-0.088 ildoan, Arabako Foru Aldundiak 2021eko ekitaldirako duen gastu-aurrekontukoa, gehienez 30.000,00 eurokoa, erreferentzia zenbaki laburra: 105-1922.

Laugarrena. Organo eskudunak, Kirol Zerbitzuaren proposamena ikusita, dagokion ebazpena emango du, deialdia ALHAOn argitaratu eta gehienez ere sei hilabeteko epean. Gehienezko epea igaro eta berriazko ebazpenik eman ez bada, interesdunek eskabidea ezetsi egin dela ulertu ahal izango dute.

Bostgarrena. Laguntza emateko edo ukatzeko ebazpena Administrazio Publikoen Administrazio Prozedura Erkidearen urriaren 1eko 39/2015 Legearen 42. eta 43. artikuluetan aurreikusitako moduan banaka jakinaraziko zaie eskatzaileei.

Seigarrena. Deialdi hau ALHAOean argitaratzea.

Zazpigarrena. Ebazpen honek administrazio bidea agortzen du. Dena dela, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatzen duenaren arabera, aukerako berraztertze errekurtsoa jar dazioke ebazpena eman

duen organoaren aurrean, hilabeteko epean, egintza hau jakinarazi eta hurrengo egunetik aurrera, edota zuzenean administrazioarekiko auzien jurisdikzioan aurka egin dakioke bi hilabeteko epean, egintza hau jakinarazi eta hurrengo egunetik aurrera, administrazioarekiko auzietarako epaitegietan, uztailaren 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoaren arabera.

Vitoria-Gasteiz, 2021eko ekainaren 3a

Kultura eta Kirol Saileko diputatua
ANA M. DEL VAL SANCHO

Kirol zuzendaria
ANA ROSA LÓPEZ DE URALDE GÓMEZ

ERANSKINA

ARABAKO KIROL KLUB ETA ELKARTEENTZAKO DIRULAGUNTZEN DEIALDIA, EMAKUMEEN KIROL FEDERATUARI LAGUNTZEKO

1. artikulua. Xedea, helburua eta emateko prozedura

Deialdiaren helburua da dirulaguntzak ematea norgehiagoka bidez, Arabako kirol klub eta elkarteek emakumeen kirol federatua susta dezaten, hori baita dirulaguntzen xedea.

Euskal Autonomia Erkidegoko kirol federatuan nabarmena da genero arrakala: 2019an, emakumeen lizentziak guttizkoaren ehuneko 27 baino ez ziren. Gainera, emakumeek diziplina desberdinetan duten banaketak ere generoaren araberrako banantze argia erakusten du: "femenino" agotzat jotzen diren kirolean (gimnastika, hipika eta boleibola) emakumezkoak dira federatutako pertsonen ehuneko 50 baino gehiago.

Emakumeen eta Gizonen Berdintasunerako otsailaren 18ko 4/2005 Legeak 3.5. artikuluan jasotzen duenaren arabera, botere publikoek denboran ondo mugatutako berariazko neurriak abiarazi behar dituzte, bizitzaren eremu guztietan sexuaren zioz gertatzen diren egitatezko desberdintasunak ezabatzeko edo murrizteko. Era berean, Euskadiko Kirolaren ekainaren 11ko 14/1998 Legeak 2. artikuluan xedatzen duenez, administrazio publikoek, zeinek bere eskumen esparruaren barruan, kirola egiteko eskubidea behar bezala egikaritzea bermatuko dute, eta emakumea maila guztietako kirol jardueran sartzeari erraztuko duten baldintzak sustatuko dituzte. Horregatik, gaur egun kirolaren arloan dagoen genero arrakalak irauten duen bitartean, beharrezkoa da ekintza positiboak bultzatzea, eskubide hori egikaritzean berdintasuna lortzen laguntzeko.

Hori guztia, Kultura eta Kirol Sailaren dirulaguntzak emateko oinarri arautzaile orokorrak onetsi zituen Diputatuen Kontseiluaren azaroaren 12ko 50/2019 Foru Dekretuak eta haren ondoko aldaketek xedatutakoaren esparruan.

2. artikulua. Aurrekontu egozpena

Dirulaguntzen zenbateko osoa ezin izango da inolaz ere izan helburu horretara bideratu den zuzkidura baino handiagoa, hau da, 30.000,00. euro baino gehiago. Zenbateko hori Arabako Foru Aldundiaren 2021eko gastu aurrekontuko "Emakumezkoen kirolerako laguntza" izeneko 70.2.01.77.01.481.00.09.6 partidaren kontura ordainduko da.

3. artikulua. Erakunde onuradunak eta kanpoan utzitakoak

Arabako kirol federazioei atxikitako kirol klubak eta elkarteak izango dira onuradunak.

Ez dira onuradun izango Kultura eta Kirol Sailaren dirulaguntzak ematea arautzen duten oinarri orokorrak onetsi zituen Diputatuen Kontseiluaren azaroaren 12ko 50/2019 Foru Dekretuaren hirugarren oinarrian jasotzen diren baztertze egoeretan dauden erakundeak.

4. artikulua. Dirulaguntza jaso dezaketen gastuak

Diruz lagundu ahal izango dira kirol klub eta elkarteek dituzten emakumeen federazio lizentziak (jokalaria, entrenatzaile eta ordezkariak), zeinak kasuan kasuko euskal federazioak 2020an emanak izan behar baitira. Baldin kasuan kasuko euskal federaziorik ez badago, Espainiako federazioak emandakoak aintzat hartuko dira.

“Izapidetutako eta/edo egindako” federazio lizentzien barruan multzo hauek bereizten dira:

Finantzaketa irizpideak ezartzeko:

– 1. maila. Beren jardunean honako hauek eskatzen dituzten modalitateak: entrenamenduak maiztasun handiarekin egitea (askotan egunero) eta ia astero lehiaketa izatea, horrek dakarren antolaketa nabarmenarekin.

• Atletismoa, saskibaloia, eskubaloia, txirrindularitza, kirol egokituak, futbola, gimnastika, hockey-a, euskal kirol eta jokoak, igeriketa, euskal pilota, errugbia, mahai tenisa eta boleibola.

– 2. maila. Entrenamendua maiz egitea eskatzen duten modalitateak, nahiz eta hori sarri askotan ez egon klubaren menpe, baizik eta kirolarien nahiaren menpe. Bestalde, lehiaketa maila nabarmen jaisten da aurreko apartatukoaren aldean; izan ere, sarri askotan lehiaketak noizean behingo kirol topaketa batzuk eta Espainiako txapelketa batzuk baino ez dira izaten. Horrek guztiak ez du eskatzen antolaketa nabarmenik. Maila honetan sartzen da arabar eta aiarrar bola jokoa, Euskal Herriko bertako modalitateei dagozkien diziplinak direlako (bertako kirol modalitateak sustatzeko kirol federazioei arreta eta laguntza emateko betebeharra ezartzen du Euskadiko Kirol Federazioen urtarrilaren 31ko 16/2006 Dekretuak 6.3. artikuluan).

• Xakea, badminton, arabar eta aiarrar bola jokoa, eskrima, halterofilia, judoa, karatea, borroka, padela, patinajea, squash-a, taekwondo-a, tenisa, arku tiroa eta triatloia.

– 3. maila. Entrenamendu arautuak eta maiztasun handikoak ez dituzten modalitateak; horiek praktikatzea interesdunen esku dago. Lehiaketa noizean behin izaten da, eta horrelakoe-tan, aurreko ataletakoen aldean, oso txikia izaten da klubaren eskakizun maila. Hori gorabehera, horietako modalitate/espezialitate batzuetan, aisialdirako joera nabarmena ikusten da.

• Urpeko jarduerak, automobilismoa, beisbola, billarra, bola jokoa, boxeoa, ehiza, aire kiro-lak, negu kirolak, uretako eskia eta motonautika, golfa, hipika, mendia, motoziklismoa, petanka, piraguismoa, tiro olinpikoa eta bela.

5. artikulua. Eskaerak aurkeztea

Eskaerak Kultura eta Kirol Saileko foru diputatuari zuzenduko zaizkio eta leku hauetan aurkeztu ahal izango dira:

– Arabako Foru Aldundiaren Erregistro Orokorrean.

– Gasteiz, Guardia eta Laudioko Ogasunaren bulegoen erregistroan.

– Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozeinetan.

Nolanahi ere, Administrazio Publikoen Administrazio Prozedura Erkidearen 39/2015 Legeak 14.2 artikuluan xedatutakoa betez, betiere honako hauek behartuta egongo dira nahitaez telematikoki aurkeztera, egoitza elektronikoan eskuragarri dagoen berariazko izapidearen bidez

(<https://egoitza.araba.eus/eu/-/emakume-federatuen-kirolari-laguntzeko-dirulaguntzak>) edo beste administrazio publiko batzuen erregistro elektroniketan: pertsona juridikoak; nortasun juridikorik gabeko entitateak; diharduten jarduera profesionalean jarduteko elkargo bateko kide izan behar dutenak, bai eta jarduera hori dela eta egin behar dituzten izapideetarako ere; eta Administrazioarekiko harremana elektronikoki izatera behartua dagoen interesdun baten ordezkari direnak.

Horretarako, aldez aurretik, erakunde eskatzaileek Arabako Foru Aldundiak onartutako ziurtagiri elektronikoren bat eduki beharko dute. Argibide gehiago, hemen: <https://web.araba.eus/es/sede-electronica/conoce-la-sede/como-accedo>. Nolanahi ere, Administrazio Prozedura Erkidearen urriaren 1eko 39/2015 Legeak ezartzen duena aplikatuko da.

Eskaerak osorik bete ezean edo deialdi honetan eskatutako agiriren bat falta izanez gero, interesdunari eskatuko zaio falta diren datuak eta agiriak aurkezteko hamar egun baliioduneko epean. Era berean, jakinaraziko zaio, horrela egin ezean, eskaerari uko egin diola ulertuko dela, eta, beraz, eskaera artxibatu egingo dela, kasuan kasuko ebazpena eman ondoren. Nolanahi ere, Kultura eta Kirol Sailak aurkeztutako eskaerak behar bezala ulertzeko eta ebaluatzeko behar dituen informazio osagarri guztiak eskatu ahal izango ditu.

Kultura eta Kirol Sailak egiaztatuko du erakunde eskatzaileak Ogasunarekin eta Gizarte Segurantzarekin betebeharrak egunean izateko baldintzak betetzen dituela, salbu eta erakunde horrek horren aurka egiten badu; kasu horretan, egitate hori egiaztatzen duen dokumentazioa aurkeztu beharko du, 39/2015 Legearen 28.2 artikulua arautzen duen bezala (Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoak aldatua, azken xedapenetatik hamabigarrenean).

6. artikulua. Aurkeztu beharreko agiriak

a) Kasuan kasuko Arabako federazioaren egiaztagiria.

7. artikulua. Aurkezteko epea

Eskaerak aurkezteko hamabost egun baliioduneko epea egongo da deialdi hau ALHAOn argitaratu eta hurrengo egunetik aurrera. Azken egun baliioduneko 13:00etan amaituko da epea.

8. artikulua. Prozeduraren instrukzioa eta balioespen irizpideak

Arabako Foru Aldundiko Kultura eta Kirol Saileko Kirol Zerbitzua izango da prozeduraren instrukziorako organo eskuduna.

Kirol klub edo elkarte bakoitzari emango zaion laguntzaren zenbatekoa kalkulatzeko, zatiketa egingo da 2. artikuluan jasotako zenbatekoaren eta eskaera guztiek lortutako puntu guztien artean.

Zatiketa horrek puntuaren balioa emango digu, eta kirol klub edo elkarte eskatzaile bakoitzaren puntuekin biderkatuta, erakunde bakoitzari emandako laguntzaren zenbatekoa lortuko dugu.

Taula hau aplikatuko da:

2020ko abenduaren 31n emanda dauden federazio lizentzien kopuruagatik:

LIZENTZIEN KATEGORIA	PUNTUAK, LIZENTZIA BAKOITZEKO
1. MAILAn emandako emakumeentzako federazio lizentzien kopurua	15
2. MAILAn emandako emakumeentzako federazio lizentzien kopurua	5
3. MAILAn emandako emakumeentzako federazio lizentzien kopurua	1

9. artikulua. Ebazpena

1. Eskaerak balioespen batzorde batek aztertuko ditu. Balioespen batzorde horren buru Kirol zuzendaria izango da, eta honako hauek izango dira batzordekideak: Kirol Zerbitzuaren burua eta zerbitzu horri atxikitako teknikari bat. Kultura eta Kiroleko Idazkaritza Teknikoko Zerbitzuaren burua izango da idazkaria, hitzarekin baina botorik gabe.

Aurkeztutako eskaerak deialdian ezarritako irizpideen arabera aztertu ondoren, balioespen batzordeak txostena egingo du, eta ebaluazioaren emaitza zehaztuko du han.

2. Ez da entzunaldiko izapiderik izango, ebazpena emateko ez baitira aintzat hartuko eskatzaileek aurkeztutako gertaerak eta agiriak baino.

3. Organo eskudunak bidezko ebazpena emango du, balioespen batzordeak proposatuta, gehienez ere sei hilabeteko epean, deialdia ALHAOn argitaratzen denetik aurrera. Epe horretan esanbidezko ebazpenik ematen ez bada, esan nahiko du eskaera ezetsi egin dela.

4. Dirulaguntza emateko ebazpenak jaso beharko du erakunde eskatzaileetako zeini ematen zaion dirulaguntza eta gainerako eskaeren berriazko ezespina. Ebazpenean adierazi beharko da dirulaguntza zenbatekoa den, nola ordainduko den, zer agiri aurkeztu behar den eta zein baldintzarekin ematen den dirulaguntza.

5. Dirulaguntza eman edo ukatzen duen ebazpenaren berri emango zaie eskatzaileei, Administrazio Publikoen Administrazio Prozedura Erkidearen urriaren 1eko 39/2015 Legeak 42. eta 43. artikuluetan xedatzen dituen moduetan.

6. Ebazpenak administrazio bidea amaitzen du. Haren aurka, administrazioarekiko auzi errekurtsioa aurkeztu ahal izango da Gasteizko administrazioarekiko auzien epaitegietan, Administrazioarekiko Auzien Jurisdikzioa arautzen duen uztailaren 13ko 29/1998 Legeak 8. artikuluan xedatutakoaren arabera. Horretarako, bi hilabete izango dira, ebazpena jakinarazi eta hurrengo egunetik aurrera.

Zuzenean aurkaratu ezean, berraztertze errekurtsioa aurkeztu ahal izango zaio ebazpena eman duen organoari, hilabeteko epean, jakinarazi eta hurrengo egunetik aurrera, bat etorritik Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin.

10. artikulua. Esleitutako dirulaguntzak ordaindu eta justifikatzea

Ebazpena eman ondoren ordainduko da dirulaguntza.

11. artikulua. Bateragarritasuna

Deialdi honetan emandako dirulaguntzak bateragarriak dira nazioko edo nazioarteko beste erakunde publiko edo pribatu batzuek xede bererako emandako beste dirulaguntza batzuekin.

12. artikulua. Erakunde onuradunen betebeharrak

Dirulaguntza hauen erakunde onuradunen betebeharra izango da dirulaguntza eman duen organoak egiten dituen egiaztapen jarduketak guztiak onartzea, bai eta Ogasun, Finantza eta Aurrekontu Sailak eta kontrol organo eskudunek finantzak kontrolatzeko eta egiaztatze egiten dituztenak ere. Horrelakoetan, eskatzen zaien informazio guztia eman beharko dute.

13. artikulua. Publizitatea

1. Deialdi hau ALHAOn argitaratuko da.

2. Halaber, www.araba.eus web orri korporatiboaren bidez ere zabalduko da.